

國家圖書館藏

綫裝書局

中華歷史人物別傳集

褒忠

錄

李璋煜署

茲啓

郝太僕者事載明史守上殉難之臣也蕭孝子者名彰郡乘割肝和藥之子也毓挺江都先後代出

褒崇

朝命俱隆祀典而太僕廟屋傾頽庭樹翦落菁莽幽翳潛穴狐狸孝子雖堂宇尚存而丁黃早謝遂使大孝之後不及百年息燭榮榮門戶不立凡此二者皆守令之責焉茲議修除荒頓將復靈廟之觀繼絕雲仍再續衰宗之祀禮魂烈魄是有郝太僕褒忠錄

憑依嫠婦孤兒用謀其所故徵名同志從善以登藉力醵金錫類惟允況在君子不讓當仁卽論政體亦非可緩扶持風化莫大於斯嚆矢先陳望至斯啓

重刻褒忠錄序

明贈太僕卿郝公祠在揚郡西郊蓮性寺右其祠舊額曰忠節余考郝公在明季時未經贈諡其曰忠節者蓋鄉人私諡而舊志以爲贈諡誤矣

國朝乾隆四十年

詔舉勝朝殉節之臣核議予諡于是公與鄭公爲虹得諡忠烈當公之守房縣也外援俱絕力盡而死其孤忠大節媲美睢陽自宜褒揚節義以風厲天下顧公死之後幾及一載其長子明龍馳驅數千里倥傯戎馬之中哀求贈卹又有同里張忠節公爲之左右輔臣督師者郝太僕褒忠錄序

始爲題請建祠贈蔭而易名之典猶闕如焉然後知我朝旌表明季殉難諸臣其

曠典爲從古所未有也余葺公祠宇因易其舊額而顏之曰郝忠烈公祠旣已爲之記矣其褒忠錄一書乃公子長君所輯後漸零落乾隆乙酉如阜姜君忠基重謀剞劂桂林陳文恭公爲之序而未果竣工至丁未秋公之六世孫梅謀於其友捐貲付梓始克告成郡人李君斗畫舫錄所記之褒忠錄卽此本也其細目詳載畫舫錄中惟袁繼成所作之祭文雷士俊所作之傳畫舫錄皆以爲杜補堂作則李君之疎也今距乾隆丁未五十

二年而其板又亡失過半存者亦漸漫漶不可識別郡之紳士釀金重刻余旣於記中詳載諸君姓名刻旣成復爲書其緣起而因以歎世之托文字以傳者猶或有時湮沒惟表揚忠節者其文字必不可得而湮沒也於是錄之刻信之矣

道光戊戌秋九月權知揚州府事坐補常州府知府諸城李璋煜撰

郝太僕褒忠錄序

重修郝忠烈公祠記

道光戊戌

李璋煜

揚州城西三里許有故明太僕郝公祠焉公諱景春字和滿起家縣教諭歷官至房縣知縣時張獻忠亂於房公守城力盡與一子一僕同被執以不屈死聞遂贈公太僕勅祀於鄉蓋江都有祠之始也逮至乾隆中

上憫勝國死事諸臣同子諡典公得諡曰忠烈禮也前轉運使甯夏趙公修其祠宇儀徵相國阮公又繼修之迄今三十三年余攝是郡而靈廟荒頓遺像就傾椽覆之餘鞠爲茂草瞻拜衰哀忼慨交集迺謀之官斯上者各分俸錢有差立新其廟又以餘財爲其裔孫守祀計

郝太僕褒忠錄

記

一

江都令羅君煜實主之載在官冊庶可久長而公之賢後輯公守戰之烈爲褒忠錄六卷其書尙存郡人黃觀察承吉王刺史彥和魏明府廷瑜程指揮光治劉孝廉實楠劉明經文淇楊上舍亮復蘇金刊之以行非公英風亮節昭著於人心者烏足以至此哉於戲當明失其柄貪餉媚功之徒養寇自重以致中原傾覆宗社爲墟人心之去固久矣而揚之臣民以義死婦女以節死者幾數百人比之列城不有章於天下耶其時公沒已五載公之女適侍郎張伯鯨子一門死揚難鄉人今猶傷之欲耐主公廟余以禮有婦人外成之義用是議格者

所以重公教也

郝太僕褒忠錄

記

二

重修郝太僕祠記

嘉慶丁卯

阮元

江都郝太僕明末守房山死流寇之難贈卹甚備載在明史及表忠錄者詳矣祠在蓮花橋南法海寺旁嗚呼平山十里笙歌畫舫四時不絕其來祠下拜而弔者鮮矣丁卯秋余重葺之敬誌數言以待後人繼葺之也

郝太僕褒忠錄

記

三

嘉慶揚州府志 第四十九卷

國朝乾隆四十年

特旨勝朝殉節之臣及建文諸臣之死事者核議予諡入祠於是郝景春鄭爲虹諡忠烈

郝太僕褒忠錄

府志

四

前序

褒忠錄紀前明湖廣房縣令贈太僕卿維揚郝自古先生殉節事其孤明龍所輯原板久遠朽失如臯姜子朗一重編纂未付梓而歿遺命其子忠基刻之太僕在崇正己卯死流賊張羅難次子鳴鸞僕陳宜均殉焉一時忠孝義烈萃於一門炳炳烺烺如日星照耀宇宙夫亦盡人而俱仰者也考其開濠築城置軍器教陣法衝鋒殺賊自一請以至八請誠有爲昔人張睢陽所更難焉者史傳及各家紀載言之詳矣余何能贊一詞哉然於太僕之爲人未嘗不往來於心而願世人奉爲典型者郝太僕褒忠錄

卷首 前序

也先余出守維揚嘗見其祠宇巍然居平山蓮性寺之右褒忠錄刻板尙爲郝氏所藏詎三十餘年來而祠已傾圯板已無存郝之子孫困守寒氊其貧已極矣一旦遇忠基自楚歸以脩太僕祠爲急告之兩淮運使寧夏趙公分俸樂成祠宇復新而忠基又將重刻其褒忠錄一遵乃父纂脩之遺意且不遠數千里來京師請序於余並述其所以余深嘉之蓋余久忝朗一爲年友姜至山先生令子郝氏則其繼母家也朗一事繼母以孝稱而且欲表彰母氏先代懿德更可想見其爲人夫人食其所食事其所事卒卒無須臾之間卽欲先其所急亦

惟一身一家之事而已矣又烏暇計及外氏之祠宇併外氏先代之事蹟而戚戚焉遺命奕禩弗之忘耶此以知忠基之爲太僕脩祠刊書者固克完乃父之志其於維風勵俗之思亦深遠矣余故因其請而樂道之如此賜進士出身

經筵講官太子太保吏部尙書協辦大學士事務加四級軍功加二級桂林陳宏謀撰

郝太僕褒忠錄

卷首 前序

原序

忠基祖廉使公實太僕郝公五世孫瑁也忠基以祖母

家故得悉其淵源考公死張獻忠之難前明已加贈建

祠公長子明龍集成褒忠錄一書揭之日月蔚為不刊

乾隆戊午歲我父廕贈公奉繼母郝太淑人命來江都

攜忠基謁公祠於蓮性寺西見其屋宇傾圯瓦木毀壞

所謂褒忠錄者蠹蝕已不可整慨然嘆曰嗚呼此公忠

孝大節所以光史冊而垂奕世者奈何聽其殘失夫屋

敗可以復新書廢板朽何由復續明季至今甫百年書

之敝已如此若再閱百年又當何如公之行事將湮沒

郝太僕褒忠錄

卷首

原序

無聞此天下士大夫之所恨亦吾外家之責也乃告鄉

里縉紳及當事賢者欲重脩是錄事未行而先人逝矣

時余尚幼未克成父志繼以薄宦他適蹉跎又廿餘年

每念此未嘗不惕然於懷也今日自楚南解綬北歸瞻拜

公祠追感先訓勉為捐脩且白諸兩淮都轉一等子趙

公分俸樂成斯舉祠宇幸還舊觀而所謂褒忠錄者乃

郝氏一家言較志乘為詳可聽其日久不傳乎昔年我

父重為編輯補其遺漏訂其訛闕次其先後業已完善

無遺剗剗之役忠基何敢緩焉因走請 桂林相國弁

其簡端梓而行之觀之者知我先人之縉縉於斯庶無

愧於太僕公也云爾乾隆乙酉孟秋既望七世外孫姜忠基頓首謹書

郝太僕褒忠錄

卷首

原序

二

明郝太僕褒忠錄校定重刊姓名

桂林 陳宏謨 榕門

婁縣 沈大成 學子

丹徒 蔣宗海 春農

全椒 金兆燕 棕亭

涇縣 朱森桂 立堂

仁和 陸飛 筱飲

錢塘 陳振鷺 禮門

應 澧 叔雅

歙縣 江春 鶴亭

郝太僕褒忠錄 卷首 姓氏

葉天賜 詠亭

江昉 橙里

吳之黼 竹屏

如臯 姜念熊 朗一

姜會照 蒼鹿

姜忠基 葆純

同里 杜甲 補堂

朱簣 二亭

明贈直隸鄉賢公像




郝太僕褒忠錄 卷首 像

郝太僕褒忠錄

卷首

圖形



郝太僕褒忠錄



賊營圖說

繇東關正三里至湯池關又十五里至宜陽店又二十里至馬欄鋪俱曹操安塘排馬處繇東迤北過河半箭地即高墩山係曹操營又五里至狗兒灣又五里至土地嶺又五里至白窩村俱係曹操營繇此過陽關店通均州俱小秦王營

繇西關七里至七里河又二十里至軍馬鋪係整十萬營繇關迤南廖家巷等處繇關迤北雷家灣等處總係整十萬營

繇南關半箭地即反子口迤東南板販迤西張家灣離郝太僕褒忠錄

卷首圖說

城一里即栗花山大黃溝澈澥堰等地入西南深山通四川險路

繇北關半里地即石灰埕係曹操營又三里至五龍口又五里至馬欄堰係曹操營繇石灰埕迤西羅家灣等處繇石灰埕迤東五將山等處俱係曹操營繇馬欄堰過連三坡通鄖陽路俱小秦王營

不孝孤明龍撫是圖而哭曰從來常山睢陽之守千古爲烈然賊鋒突至所難在一時所敵惟一枝復有雷將軍等爲助今房自去冬初曹操等賊環聚攻打雖云三股實二十餘隊分戈肆虐我父且戰且守相

持者半月擊死賊愛妾暨頭目餘賊數十名賊懼然後乞撫撫後盡屯房地三賊首各扎一營衆隊長分扎數十營耽耽虎視東西南北聯絡如常山相應及我父單騎示誠執手示信賊亦感動不敢相犯幾及一載使一載內城守稍懈恐狼子野心定先獻賊而至矣至獻賊承穀城銳氣一鼓而進城內嗷嗷之兵僅數百名所有計議而派守者非二三孱儒則久羸庸弁我父獨出智勇與子強弟協力戰守爾時援兵八請不但無一騎見遣併無一字相報迨相持五晝夜糧盡硝空千里孤踪無愛妾可殺一隅殘土無鼠

郝太僕褒忠錄

卷首圖說

二

雀可羅獨恃一片血誠誓死靡懈不謂竟壞於逆弁之手嗚呼我父氣亦壯矣志亦哀矣抑猶有說焉城陷二十八日之午我父拔手厲色固不異顏張之激烈被害於二十九日之未曹操一夜說合父子握手勉勵又何愧文丞相之從容子強弟不極口相罵身已遠禍今茲之舉雖爲殉親實係殉國安得泯此一段公案幸此圖在側懇大人先生細閱一過知我父戰亦難守亦難有事時難無事時更難今人難古人亦難庶幾心稍慰於九原不孝死且不朽明龍泣述

明郝太僕褒忠錄目錄

卷一

史乘

卷二

事蹟

卷三

著述

卷四

卹贈

卷五

郝太僕褒忠錄

卷首目錄

記傳

卷六

附載

明郝太僕褒忠錄卷一

明史本傳 第二百九十二卷

郝景春字和滿江都人舉於鄉署鹽城教諭坐事罷歸起陝西苑馬寺萬安監錄事量移黃州照磨攝黃安縣事甫三日羣賊奄至堅守八日夜始解去崇正十一年擢知房縣羅汝才率九營之衆請降於熊文燦文燦受之汝才猶豫景春單騎入其營偕汝才及其黨白貴黑雲祥插血盟汝才詣軍門降分諸營於竹谿保康上津而自與貴雲祥居房縣之野當是時鄖陽諸屬邑城郭爲墟獨房賴景春拊循粗可守及賊衆雜處居民日惴郝太僕褒忠錄 卷一

惴景春乃與主簿朱邦聞守備楊道選脩守具輯諸營明年五月張獻忠反穀城約汝才同反景春子鳴鸞諸生也力敵萬夫謂父曰吾城當賊衝而羸卒止二百城何以守乃擐甲詣汝才曰若不念香火盟乎慎毋從亂汝才佯諾鳴鸞覺其僞歸與道選授兵登陴而獻忠所遣前鋒已至擊斬其將上天龍遣使縋城乞援於文燦凡十四往不報已而賊大至獻忠兵張白幟汝才兵張赤幟俄二幟相雜環城力攻貴雲祥策馬呼曰以城讓

鸞以火熱油灌之又擊傷獻忠左足殺其所愛善馬乃用間入賊壘陰識獻忠所臥帳將襲擒之指揮張三錫啓北門揖汝才入道遷巷戰死大經使汝才說景春降怒不答問庫藏儲蓄安在此曰庫藏若有物城豈爲汝陷賊怒殺一典史一守備恐之卒不屈與鳴鸞俱被殺僕陳宜亦死之邦聞及其家人並不屈死事聞贈景春尙寶少卿建祠奉祀道選等亦贈卹已帝召見輔臣賀逢聖備述其死事狀改贈太僕少卿三錫後爲官軍所獲磔死

江南通志 第一百五十四卷

郝景春字和滿江都人萬歷壬子鄉舉授鹽城教諭遷房縣知縣時賊張獻忠陽受撫等叛率衆圍房房兵少庾空賊甚布四境聲問不通遣使求援者盡爲賊獲景春同子鳴鸞督兵且守且戰五晝夜賊多死欲解去而指揮張三錫絕賊登城城遂陷擁景春去景春以手畫頸示其子曰此下不甚痛父子決計死耳獻忠欲降之益大罵遂父子被害贈太僕寺少卿建祠江都以鳴鸞

附

揚州府志 第三十卷

郝景春字自占江都人萬歷壬子舉於鄉署鹽城教諭罷歸起雜職歷知房縣時賊張獻忠等九營就撫鄖陽羅汝才屯房東白貴屯房北黑雲祥屯房西景春以賊叵測獨請勦上官不聽一日汝才合三營逼房城景春擊之多斬賊上官數以朝命諭景春景春乃單騎入汝才營與結盟信既而獻忠叛穀城率衆圍房縣景春部署其子鳴鸞及僚吏分門守賊掘人墓取棺載之首以攻城景春於城上燃草并投石擊之賊掘城城上以熱油灌之賊立雲梯則設鉤鉤其梯斷之又設銃擊斃數

郝太僕褒忠錄

卷一

四

百人凡五晝夜獻忠欲解去降賊指揮張三錫縋一賊上城羣賊繼之城遂陷羅汝才以數十騎擁景春去景春待其子鳴鸞至以手畫其頸曰此下不甚痛吾父子決計死耳汝才從容勸景春降景春勃然曰天下豈有降賊知縣乎於是與其子及僕陳宜見獻忠罵益厲獻忠怒牽景春父子并僕陳宜俱殺之贈太僕寺少卿建祠江都以鳴鸞附

冢墓 第二十四卷

明諭葬贈太僕寺少卿諡忠節郝景春墓在城西金匱山景春殉難於楚遺骸在湖南之房邑此葬衣冠處也

郝太僕褒忠錄

卷一

五

明太僕褒忠錄卷一終

明郝太僕褒忠錄卷二

防禦詳文

房縣知縣郝爲鑿城粗完防禦有藉請將脩過城池器具據實開報以祈憲鑒事卑職猥以謏材叨領殘破山邑譬之以驚馬駕敝車其不債輟顛仆者蓋未之有用是勉加淬勵自去臘二十四日到任卽遍閱倉庫市廛查視城池器械惟見帑藏罄懸哀鴻新集城池頽塌守具全無疲敝之形驚心慘目甫四日卽報寇踞穀城逼臨房境比時寥寥子遺惟有相率思遁卑職曲加撫諭多方鼓舞晝夜登陴誓守緝奸奮銳身任先勞幸而衆郝太僕褒忠錄卷二

志成城無瑕可伺闔城安堵如故但念錢糧不能驟積戶口不能驟增固一時無可着力若城池聽其邱墟守具不爲漸置將三年之艾蓄自何時倏忽烽傳急難措備是甘以封疆付之一擲也卑職憂心如焚百計設處日與士民嘔心籌畫無米謀炊衆士民鑒職血誠頗爲感動相與同心確計一以脩理城池爲首務或輸貲或効力或獻謀畧或督工程復遴請才勇紳衿立爲四門守正副而卑職居中調度守望既可協助工作亦可互稽自正月初六日起工至今僅僅五旬而城樓角樓砲臺窩鋪業已告成凡城垣城梁傾圯處盡皆用灰磚脩

補堅固惟濬濠一節地土堅硬砂石爲梗統計環城除西門舊濠無恙外其新濠共五百四十七丈俱就壅闕目今已挖完四百餘丈少需時日便可統完此外銃砲火藥旗幟等件俱已預爲製備庶幾捍禦有資士民欣欣相告僉謂數年破壞之邑不兩月而金湯煥然器具咸備儘可恃以無恐亟歸功於職不知以因爲創僅可小安所苦金錢無出尙不能建百年鞏固之業且皆上奉憲臺指示下賴紳衿寮屬助勦故能稍有布置況地方事務種種未備興衰起敝有司之職業正自無窮安敢以脩濬一役侈言勞瘁但事關城守夙厘憲懷自當郝太僕褒忠錄卷二

據實上聞以仰慰倦注伏乞照詳施行

計開

一敦請四門叅謀舉人向紫垣

一敦請南門守正貢士吳廷訓守副貢士楊爾知百總

孫致中袁文

此門置立大鼓一面有警擊鼓爲號

一選任東門守正生員向照守副生員廖承芳百總廖

一致党守邦

此門置立大梆有警擊梆爲號

一選任北門守正生員許調鼎守副生員徐一瑾百總

楊楚文樂涼芳

此門置立大鐃一面有警擊鐃爲號

一選守西門守正生員雷驚寰守副生員車渾百總李

三剛王民化

此門置立大鐘有警擊鐘爲號

一新建四門大城樓四座

一新建四門大角樓四座

一新建四城大窩鋪三十六座

一新建四門月城重門八扇

一新建外大砲臺四座

一新建城頭小砲臺十四座

一補砌城牆一百三十丈

一脩葺城頭梁口一千三百五十二座

一挑濬城濠五百四十七丈

郝太僕褒忠錄

卷二

三

一新置城樓五方大旗六面

一新置飛虎旗四面

一新製城頭五方大小旗一百二十面

一新製梁口燈桿一百二十個

一置立大將軍一十五位

一置立三眼銃五十門

一置立單眼銃五十門

一置立鈎鐮長鎗二百桿

一置合火藥三十五石

一置備大小鉛子四百觔

各院道批詳考語

撫院余批

該縣脩城濬河使殘邑改觀禦寇有備足見應變之能矣繳

治院戴批

鄖屬惟房邑作中流之砥柱今得該縣整理自可無患矣仰守鄖道查敘

按院林批

據詳該縣初下車卽以脩堞濬河爲首務且鼓舞紳士協力圖功保障已見其端矣繳

繳

守道周批

地利不如人和但曰不如之耳非曰有人和而地利卽可廢也王公設險壁壘變色

郝太僕褒忠錄

卷二

四

有繇來矣該縣任未百日興廢脩築便四十八座真可嘉尙爲各縣式也繳

巡道王批

流氛頻擾守禦須嚴據詳脩濬置器諸項種種有條該縣急公之心與濟變之略具見之矣候各院詳示行繳

守道周批

據詳所費無幾屹然成一縣治本官之勞苦功高且清絕品峻殊可嘉尙仰彙報詳敘繳

敘繳

刑廳范批

城守諸務不再月而犁然就緒且設處經營具見苦心從此一勞永逸暫費永寧該

治二院考語

縣之計房將與房而俱壽矣各縣俱能做此何憂城務不整理也仰候道府批示繳防寇五夜著勞脩城百雉增壯而嘔心籌畫可稱救時能吏

守道考語

任事心真困苦才熟甫任遇警周做頓起真遠到之器耶

郝太僕褒忠錄

卷二

五

密稟賊情

房縣知縣郝密稟者頃因曹操三枝突至房境藉撫佔踞西關已經職申報憲臺至十一月二十六日已時忽有安官都司居光祖李大捷齋奉理臺憲牌告示並授撫條約及監軍道張憲牌到縣職細加捧翫若輩果能遵奉憲約無少抗違則地方寧謐百姓與若輩均享太平之福豈非至願但其藉口雖是願撫之名而其行事仍是劫掠之實故闔城紳衿百姓知其陽順陰逆甘心效死堅守不肯墮彼狡計蹈穀城之轍及接理臺頒示條約則彼實欸欸違悖職安得不凜凜隄防如一不許

郝太僕褒忠錄

卷二

六

強佔民產而今則統領衆黨佔踞西關民房數間盡被奪住非強佔民產乎一許住三省僻地而房邑係川陝咽喉鄖襄屏蔽非僻地也西關又房縣鬧市士民錯居亦非僻地也今被盤踞其間焚斃良民寧堪露棲野宿安在如憲諭和睦鄉里乎至各邨鎮窖藏寨集之糧處處被搜家家被搶百姓出城取柴者數人立殺於途安在如憲諭不焚掠乎初撫如此後撫可知一事如此事事可知真心願撫者決不如是卑職窺其底裏不得不密稟聽候裁奪然此輩狡詐多端恐其捏具虛稟挽托安官代爲掩飾則職慎防苦情無以上達故不忌縷縷

直陳蓋過於慎而事事必執憲約以期其從彼即以職爲苛求而職之過猶小墮其奸而言言唯諾以逢其歡則養癰貽患而職之罪愈大慮遠說詳不過仰體謀出萬全之意知亦必蒙憲鑒也

附 提督李太監行房縣牌

爲議處縣官以靖地方事照得羅汝才等數歲萑苻一朝悔悟詞既切於投欵心尤篤於乞哀歛九營赤子之心葺曩時綠林之性克殘頓改殊屬秉彜貿易求通尤徵改過撫順既經屢旨招降業有明文而該縣知縣郝牧民御物而展以經濟未之前聞排難解

郝大僕褒忠錄

卷二

七

紛而出以權宜尤爲未達初命之則曰議成而局已定一體招安再飭之則曰既撫而復挑釁意欲何爲今且與該營叫罵打仗更拘囚兩院差官汝欲反乎驚傷總戎屬弁是何說也爲此牌仰曉諭闔城士民預須確遵撫局不得輕啓禍胎仍卽擇日開集令百姓與降丁一例生理特差吳州判齋文前來毋得違錯須至牌者崇正十一年十二月十七日行

行賊營諭票

提督府李諭羅汝才知悉查得爾營在房縣不傷民不强搶真一片是良民實心其房縣知縣不能鈴束

士民不奉上司明文輕聽謠言賺進安官不放法當拿問卽依爾稟便齋文到房縣張掛告示諭化士民愚頑並責縣官作事乖張但我旣在朝廷上主張招安只要爾等安心守分一味學好爭我一口氣爾好我也好各上司與地方官都有功了且爾旣爲各營之首尤當出格做一番好事道路上聽得稱揚該營的聲名纔是爾宜勉之今熊老爺怕爾等疑心不定已將大兵調開分散各處去了若地方謠言都是哄爾等要爾等驚懼奔走別處破壞撫局者切勿聽之今後快將人馬掣退三四十里塘馬俱掣遠些只安心守分生理不必持刀挾矢愛小失大只是與人買賣交易自然一安百安終身受用不盡崇正十一年十二月十六日行

郝大僕褒忠錄

卷二

八